

BOSNA I HERCEGOVINA  
PARLAMENTARNA SKUPŠTINA  
DOM NARODA

Broj:02-02-121/99

Datum, 27. jula 1999. godine

Z A P I S N I K

sa 7. sjednice Doma naroda Parlamentarne skupštine Bosne i Hercegovine, održane 27. jula 1999. godine

Sjednica je počela sa radom u 16,15 sati.

Sjednicom je predsjedavao gospodin Izet Žigić, predsjedavajući Doma naroda Parlamentarne skupštine Bosne i Hercegovine.

Sjednici je bilo prisutno 13 delegata, a nisu bili prisutni Pero Marković iz Hrvatskog kluba i Momir Tošić iz Srpskog kluba.

Za sjednicu je predložen sledeći

D N E V N I R E D

1. Prijedlog zakona o administrativnim taksama Bosne i Hercegovine,
2. Zakon o državljanstvu Bosne i Hercegovine,
3. Delegatska pitanja.

Predloženi dnevni red jednoglasno je usvojen.

**Ad-1. Prijedlog zakona o administrativnim taksama Bosne i Hercegovine**

U raspravi po ovoj tački dnevnog reda učestvovali su: Momir Malić i Izet Žigić.

Momir Malić je istakao da srpski delegati iz Republike Srpske u Domu naroda neće moći glasati za ovaj Zakon jer se postavlja pitanje ustavnog osnova za donošenje te žele da se ovo još jednom provjeri, a izjašnjavanje odgodi za sledeću sjednicu Doma naroda.

Izet Žigić je konstatovao da je prijedlog da se izjašnjavanje o Zakonu odgodi za sledeću sjednicu Doma naroda te da nije potrebno izjašnjavanje o ovom prijedlogu jer se odluke u Domu naroda donose konsenzusom sva tri naroda.

**Ad-2. Zakon o državljanstvu Bosne i Hercegovine**

U raspravi po ovoj tački dnevnog reda učestvovao je Ristan Ristić.

Istakao je da će srpski delegati glasati za Zakon o državljanstvu Bosne i Hercegovine s tim da se izvrši glasanje za zaključak da Dom naroda Parlamentarne skupštine Bosne i Hercegovine predlaže Predsjedništvu Bosne i Hercegovine da, u skladu sa Ustavu i Zakonu o državljanstvu Bosne i Hercegovine, intenzivira aktivnosti na pripremi Platforme za sklapanje bilateralnog ugovora sa Republikom Hrvatskom o dvojnomo državljanstvu, a po uspostavljanju diplomatskih odnosa intenzivira pripremu Platforme o sklapanju bilateralnog ugovora o dvojnomo državljanstvu sa Saveznom Republikom Jugoslavijom.

Učesnika u raspravi nije bilo pa se pristupilo glasanju.

Nakon provedenog glasanja predsjedavajući konstatuje da je Zakon o državljanstvu Bosne i Hercegovine jednoglasno usvojen.

Nakon usvajanja zakona pristupilo se glasanju o prijedlogu zaključaka koji je pročitao delegat Ristan Ristić.

Nakon provedenog glasanja predsjedavajući konstatuje da je zaključak :“ Da Dom naroda Parlamentarne skupštine Bosne i Hercegovine predlaže Predsjedništvu Bosne i Hercegovine da, u skladu sa Ustavu i Zakonu o državljanstvu Bosne i Hercegovine, intenzivira aktivnosti na pripremi Platforme za sklapanje bilateralnog ugovora sa Republikom Hrvatskom o dvojnomo državljanstvu, a po uspostavljanju diplomatskih odnosa intenzivira pripremu Platforme o sklapanju bilateralnog ugovora o dvojnomo državljanstvu sa Saveznom Republikom Jugoslavijom” jednoglasno usvojen.

### **Ad-3. Delegatska pitanja**

Delegatskih pitanja nije bilo.

Sjednica je završila sa radom u 16,30 sati.

Magnetofonski snimak sjednice čini sastavni dio zapisnika.

PREDSJEDAVAJUĆI  
DOMA NARODA  
PARLAMENTARNE SKUPŠTINE BiH  
dr. Izet Žigić